



ATASSUT INATSIARTUNI

ATASSUT

UKA 2013/21-1

Gerhardt Petersen

22.10.13

Nunat Avannarliit Killiit Siunnersuisoqatigiiffiata kaammattuutitut aalajangersagaanik nr. 1/2012-imik, ataani allassimatut oqaasertalimmik, Inatsisartut tapersiinissaannik Inatsisartut aalajangiiffigisassaattut siunnersuut:

Nunat Avannarliit Killiit Siunnersuisoqatigiiffiata Savalimmiuni Naalakkersuisut, Kalaallit Nunaanni Naalakkersuisut aamma Islandimi Naalakkersuisut kaammattorpaat suleqatigeeqqullugit allaaserisaqartarnek atuakkiortarnerlu nukittorsarniarlugit nunani ataasiakkaani atuakkiortut peqatigiiffii suleqatigalugit atuakkiortunut siunissamilu atuakkiortunngorumaartussanut allassinnaanermut pikkorissarnernik peqatigiillutik aaqqissuusseqqullugit.

(Aallartitat siulittaasuat Lars-Emil Johansen)

Savalimmiuni Naalakkersuisut, Kalaallit Nunaanni Naalakkersuisut aamma Islandimi Naalakkersuisut kaammattorpaat suleqatigeeqqullugit allaaserisaqartarnek atuakkiortarnerlu nukittorsarniarlugit nunani ataasiakkaani atuakkiortut peqatigiiffii suleqatigalugit atuakkiortunut siunissamilu atuakkiortunngorumaartussanut allassinnaanermut pikkorissarnernik peqatigiillutik aaqqissuusseqqullugit matumani Nunat Avannarliit Killiit Siunnersuisoqatigiiffianit kaammattorneqarnerannut Nunatsinni Inatsisartut taperseeqquneqarput.

ATASSUT-mit iluarisimaarparput nunat avannarliit killiit suleqatigiinnerisigut kulturikkut matumanilu aamma allattarnikkut atuakkiortarnikkullu inerisaanissaq siunertaralugu inerisaaqatigiittoqarmat, neriuppugullu ukiuni tulliuttuni suleqatigiinneq suli annertunerujartussasoq, inuiaammi anersaakkut pissuussutigivaat allaaserisat atuakkiallu immikkuullarissutsitsinnik ersersitsisut.



ATASSUT INATSIARTUNI

Taamaammatt ATASSUT-mit naammagisimaarparput aningaasanut inatsit aqqutigalugu Naalakkersuisut nunatta tapersersuinissaa peqataanissaalu isumannaarniarlugu nalunaarutigimmassuk.

Taamatut oqaaseqaateqarluta Nunat Avannarliit Killiit Siunnersuisoqatigiivisa matumani taperseeqqusinerat ATASSUT-mit taperserparput taamatullu iluseqartillugu akuersaarneqassasoq inassutigissavarput.